

Stichting MUSICA a presenta su Financieel Rapport di "Aruba Caiso & Soca Monarch 2015" na su musiconan

DIALUNA, 12 di october na Club POVA, Stichting MUSICA a tene un reunion cu musiconan na unda a presenta nan Financieel Rapport.

Compania renombra administrativo PLUS ACCOUNTANT tambe tabata presente. Sr. Croes propietario y registered accountant a presenta y duna un splicacion amplio na tur musico encuanto esaki.

Como invitado special di e anochi aki, tabata presente Presidente di AMAC, Sr. Feco Gomes di Corsou.

Sr. Feco a elabora con asocacion di musico y artistanan di Corsou ta funciona y tambe a extende nan respaldo completo tanto na Stichting MUSICA y tur musico y artista nan di Aruba.

Mr. Gomes a expresa cu ta boga pa pronto

Aruba por keda cla cu e oprichting di AMAA y cu esaki por cuminsa opera y ta premira caba con e islanan, Aruba – Boneiro – Corsou y hasta menciona St. Maarten lo por uni forza pa traha hunto na bienestar di nos musiconan y artistanan.

Presidente di Stichting MUSICA Sr. Clyde Burke a duna amplio splicacion con Stichting MUSICA a funciona desde 2013 y lo keda traha duro pa jega na metanan cu a wordo stipula for di inicio di e Stichting. A pone enfasis riba continuacion di Aruba Caiso & Soca Monarch bou di nan maneho y e trabao nan cu ta wordo haci pa yega na formacion di AMAA cu lo cubri tur otro ramo di musiconan Arubiano y musiconan biba na Aruba.

E reunion tabata masha interesante y tabatin bon opinion di tur esnan presente cu tambe a respalda Stichting Musica cu ta trahando na bienestar pa tur musico.

Tambe a duna un update di con MUSICA ta prepara pa Caiso & Soca Monarch 2016, a splica cu tin hopi trabao andando y hopi pa concretiza ainda pero lo tene su musiconan na haltura.

Stichting MUSICA ta gradici cada un cu tabata presente y a duna nan respaldo na Stichting MUSICA y tambe kier a gradici Sr. Feco Gomes pa su prestigioso tempo y cu for di inicio semper a duna Stichting MUSICA tur sosten pa logra nan metanan y proyectonan di futuro.